

金石學錄補

金石學錄補

書爲六藝之一

金石又書之一端今石而名之爲學

猶諸子之別

九流流之中又別其流

嘉興陸氏

遇孫始本若

據閻氏西泚王氏之說韋古今人之講

求金石者爲金石學錄四卷余插架雖有其書未暇

讀也同戶沈冲復廉訪究心金石之學從余借閱因

取而讀之見其外滿實甚雖以余之謫陋尚可爲之

補正遂就見聞所及筆之簡端仲復見而善之余復

加搜討明以前補如干事本朝以後續如干事門人

魏稼孫大令近時之深于金石者也遺書詢之又得

金石錄
如千專編爲二卷名曰金石錄補余于金石之學
未嘗問津掛一漏萬不免李氏之失知我者以爲聊
勝博奕也可

光緒五年歲在屠維早闕壯月歸安陸心源撰

光緒五年之夏余端居無事輯金石學錄補二卷以
補李金澗氏之缺自漢至今凡得一百七十人今復
搜采羣書証以閤見又得一百六十餘人重加編次
定爲四卷合之李氏原書都得八百餘人古今言金
石者略備于斯矣李書兼收同時諸公余書斷自己
往懼標榜也光緒紀元之十二年歲在癸卯閏茂則
陽月陸心源識

金石學錄補目錄

卷之一

晉

陳騫

郭緣生

伏琛

釋道安

鄭緝之

戴祚

宋

盛宏之

裴松之

邱淵之

謝莊

車灌

齊

蕭鑑

段祖廣

劉澄之

陳

顧野王

梁

釋僧祐

顧烜

周

斛斯徵

唐

顏昭甫

許嵩

吳協

宋

徐鉉

句中正

文彥博

蔡襄

寇準

夏竦

胡恢

楊景略

張舜民

張燾

邢恕

蘇頌

王洙

晏溥

胡俛

王壽卿

王欽臣

蔡肇

李中祐

胡宗師

邱棠

王楚

張厚

劉瑗

伏乞氏

韓存中

范育

榮啟道

王溥

榮咨道

榮輯

許某

張詢

韓縝

劉繹如

王怡

里之明

楊滙

趙令時

劉昌詩

左膚

吳珏

王錫老

史某

裴煜

胡戢

何頡之

張商英

蔡挺

劉忱

永興軍某縣尉

楊與權

張惛

王玠

王康功

祖博

李宰

呂崕

趙茂曾

吳衍

李誠

眞元弼

宋敏求

李復

丁宏

楚朝宗

姚雄

趙仲忽

趙九成

黃氏

安氏

趙氏

孫默

牟益

鍾璠

張敦頤

李丕緒

王卿月

卷之二

宋

虞仲房

彭大雅

章綽

翟敦仁

李昭玘

翟汝文

薛季宣

莫濟

林師點

洪皓

陸游

汪達

周必大

凌萬頃

晏表

董棻

丁瑞叔

周應合

談鑰

宇文紹奕

鄭宗聖

李孝美

楊鎮

劉克莊

鄭僑

鄭寅

羅棠

潛說友

程勤

樓錫

董材

褚師秀

時佐

岳珂

徐度

王鈺

張侃

韓洸

尤袤

俞仲遠

周晉

金

孔元措

蔡珪

馬定國

黨懷英

高德裔

王庭筠

許古道真

元

柯九思

熊朋來

楊桓

吳獻

戴侗

楊鉤

張古城

梁寅

張鉉

鮮於樞

陳翼

成光

廼賢

馮子振

駱驥

張樞

敬

真著

雨

羅和齋

善德時

趙伯昂

董頑石

吳文貴

劉耀

李秉彝

孚和

廉希貢

喬簣成

趙孟籲

姚燧

焦敏中

王芝

王子明

朱希真

黃伯玉

李處巽

李好文

唐允文

卷之三

明

陳登

楊士奇

劉智安

梁潛

鄭真

楊璿

洪遵道

鄒仲熙
高庭禮

吳寬

凌湛初

程於行

李應禎

陸深

李東陽

王直

祝允明

徐煥

謝肇淛

沈洪

王世懋

卞袁

莊若水

周宏祖

焦竑

張鳴鳳

董斯張

顧從義

沈懋孝

周思宸

吳炳

朱大韶

張應文

劉同升

程福生

卷之四

國朝

李中馥

潘 耒

彭元瑞

徐天柱

查 禮

金德瑛

陳孝泳

劉錫信

徐 松

趙希璜

袁三綱

袁五常

李宗瀚

張瑞木

方嵩年

萬光燁

陳萊孝

宋振譽

金忠滔

溫超然

吳穎芳

王念孫

馮敏昌

趙曾

郭尙先

杜春生

陳文述

趙紹祖

林喬蔭

鄭杰

李鴻瑞

段嘉謨

徐宗幹

車持謙

陸耀遹

沈濤

朱士端

許瀚

王楠

翟雲升

馬邦玉

陳宗彞

張寶德

朱緒曾

甘熙

陳暘

姚際恒

方城培

巴樹穀

楊芳荀

鮑桂孫

沈魏皆

胡匡憲

劉寶楠

李宗昉

程學金

牟農

馬星垣

王 某

翁大年

汪士祝

王椿源

萬承紀

陳受笙

錢 馥

徐 鼎

楊 栩

李載春

程文榮

貝 墉

翁樹培

董桂科

馮 鵬

葉紉之

李彥樂

周世榮

包世臣

洪頤煊

嚴觀

吳榮光

熊象階

夏之盛

徐懋

李璋煜

瞿世瑛

黃安濤

姚晏

韓克約

沈欽韓

陳慶鏞

丁晏

黃本驥

吳蘭修

夏寶

魏本唐

吳式芬

劉師陸

蔡雲

張崇懿

馬昂

初尚齡

戴熙

金錫鬯

李佐賢

鮑庸

毛式玉

陳樹華

錢泰吉

劉永松

韓崇

顧沅

沈復燦

曾載奎

方可中

劉位坦

莫友芝

呂佺孫

程慶餘

方朔

馮承輝

沈樹鏞

何慶恩

丁彥臣

吳雲

許宗寅

曹籀

趙之謙

溫忠善

樊彬

王國均

趙良弼

陳介祺

魏錫曾

陳增祥

汪鋈

朱祖駿

湯璥

韓泰華

邊裕禮

張錫由

張穆

程洪溥

僧達受

徐燮鈞

俞燮

倪模

王家齊

方履錢

楊翰

李光庭

馬恕

吳汝綸

鄧嘉緝

陳詩

田溥光

毛瀚

甘揚聲

王朝渠

金石學錄補卷之二

歸安陸心源剛甫編

晉

陳騶官將作大匠撰雜碑二十二卷碑文十五卷見
隋書經籍志集部總集類注是爲金石學之祖李氏
遇孫以爲始于梁元帝碑英者非也

案隋書經籍志注云梁有碑文十卷謝莊撰釋氏
碑文三十卷梁元帝撰雜碑二十二卷碑文十五
卷晉將作大匠陳騶撰是釋氏碑文三十卷爲梁
元帝撰雜碑等爲陳騶撰文義甚明鮑氏以文以

雜碑等屬之梁元帝誤會注文李比仍鮑氏之誤

郭緣生撰述征記二卷續征述記

隋書經籍志

書中載城

陽靈臺碑漢建寧五年五月成陽令管遵立堯陵北

伍員祠碑是晉永興中建

水經注子河注引

華岳廟前碑段熲

所刻其文張景所造仍自書之鍾公題其年月曹真

祠在北邙山刊石既精書亦甚工

原本北堂書鈔齊文藝部碑類

之東有一谷谷中有檐榆先生碑

原本北堂書鈔鄴衣冠部檐榆類

城青門外有魏車騎將軍郭淮碑小城最東一門名

落索門門裏有司馬京兆碑郡民所立

太平御覽居處部門類

漢陽嘉元年太學贊碑太尉龐參司徒劉琦太常孔

扶將作大匠胡廣等記

御覽
儀部

崆峒山有堯碑禹碣

皆籀文下相城西北漢太尉陳琳墓有三碑近墓一

碑記弟子盧植鄭玄管寧華歆等六十人其一陳登

碑文蔡邕所造

御覽文
部碑類

案記地理而敘述石刻李氏以爲始于酈道元之
注水經魏收之志地形不知郭緣生戴祚實創于
前酈魏乃用其例耳水經注引郭戴之說甚多是
其證也

伏琛撰齊記

隋書經
籍志

載朱虎城東二十里有柴阜其

西南隅有魏獨行君子管寧墓東頭有魏徵士酈原

墓石碑猶存

御覽禮儀部冢墓類

釋道安姓衛氏常山扶柳人也符堅攻襄陽爲堅所得住長安五重寺藍田縣得一大鼎容二十七斛邊有篆銘人莫能識乃以示安安云此古篆書云魯襄公所鑄乃寫爲隸文又有人持一銅斛於市賣之其形正圓下向爲斗橫梁昂者爲升低者爲合梁一頭爲籥籥同黃容半合邊有篆銘堅以問安云此王莽自言出自舜皇龍戊辰改正之卽真以同律量布之四方欲小大器鈞令天下取平焉其多聞廣識如此

鄭緝之撰東陽記附書經籍志載獨孤山有古冢臨溪其

塼文曰筮言吉龜言凶三百年墜水中義熙中猶半

存御覽冢墓門

宋此爲記古塼之始

戴祚字延之江東人從劉裕西征姚秦撰西征記二

卷隋書參封氏見載洛陽國子堂前有列碑南北行

三十五枚刻之表裏書春秋經尚書二部大篆科斗

三種字碑長八尺今有十八枚存餘皆崩太學堂前

石碑四十枚亦表裏隸書尚書周易公羊傳禮記四

部本石塼相連多崩敗又太學讚碑一所漢建武中

立時草創未備永建六年詔下三府繕治有魏文典

論六今四存二敗

御覽文部碑類

金鄉焦氏山北數里有漢

司隸校尉魯峻冢前有古石祠堂壁皆青石隱起自
書契以來忠臣孝子貞婦孔子及弟子七十二人形
像皆刻石記之

御覽冢墓門

案隋書經籍志戴延之西征記二卷又戴祚西征
記一卷新唐書藝文志有戴祚無延之愚按封氏
見聞記言祚從劉裕西征姚秦水經洛水注言戴
延之從劉武西征是延之祚當是一人蓋名祚字
延之以字行隋志兩見當更正

宋

盛宏之臨川王侍郎撰荊州記三卷

隋書經籍志

載鄧城

西百餘里穀城伯綏之國城門有石人刊其腹曰摩

兜堅慎莫言

藝文類聚居處部

華容縣西有陶朱冢樹碑云

是范蠡

史記越世家正義

冠軍有張詹墓七世孝廉刻其碑

背曰白楸之棺易朽之木銅鐵不入瓦器不藏嗟夫

後人幸勿見傷

御覽文部碑類

裴松之宋書有傳撰西征記言從征西至洛陽歷觀

舊物見典論石在太學者尚存而廟門外無之

三國志魏

少帝紀注

邱淵之宋書有傳撰征齊道里記載瑯琊城始皇立

碑是李斯所刻

御覽文部碑類

謝莊撰碑集十卷

隋書經籍志

車灌撰碑文十卷

隋書經籍志

案經籍志尙有荊州雜碑等書不箸撰人

齊

始興王蕭鑑齊高帝第十子督益州于州園得古冢

無復棺但有石槨銅器十餘種並古形玉璧三枚金

銀爲蠶蛇形者數斗又以朱砂爲阜水銀爲池

南史

段祖廣漢什邡人以滔于獻始興王鑑高三尺六寸

六分圍三尺四寸圓如筓銅色黑如漆甚薄上有鉤
馬以繩系馬令去地尺餘灌之以水又以器盛水於
下以芒莖當心跪注滴于以手振芒則聲如雷清響
良久

南史高帝
諸子傳

劉澄之都官尚書撰梁州記一卷

隋書經籍志

載仙人唐

公房祠有碑一所碑文云是其舊宅公房降宅登仙

原本北堂書

鈔地部坑門

陳

顧野王陳書有傳撰輿地志三十卷載琵琶折有古
豕半在水中壁有隱起云琵琶筮云古龜云凶八百

年墜水中謝靈運取璧至京師

御覽家
墓門

梁

釋僧祐俗姓俞世居建業齊梁間見重宮省撰諸寺碑文四十六卷此外又有宏明集釋迦譜等書天監

中終於建初寺

隋書參
高僧傳

顧烜著錢譜一卷

隋書經
籍志

周

斛斯微字士亮河南洛陽人樂有淳于者近代絕無此器或有自蜀得之皆莫之識微見之曰此淳于也眾弗之信遂依干寶周禮注以芒筒捋之其聲極振

眾乃歎服微乃取以合樂焉

周書

唐

顏昭甫字周卿少聰穎工篆楷草隸特爲伯父師古所賞凡所注釋必令參定爲天皇曹王侍讀曹王屬有獻古鼎者篆書二十餘字舉朝莫能讀昭甫盡能讀之

陳思書
小史

許嵩著建康實錄其辨吳天璽碑曰案吳錄其文爲華覈作其字大篆未知誰書或傳皇象恐非在今縣南四十里龍山下

建康
實錄

吳協撰大鼎記記古人鑄鼎本源及其形制

讀書
志

宋

徐鉉字鼎臣江南人撰古鉉銘碑一卷叙云建陽有越王餘城城臨建溪村人于溪中獲一器狀如鐘長八寸逕六寸柄一尺柄端有雙角相向籍重十斤銘四十八字獻之刺史王延政有摹其字以示鉉者惟連鉉二字可識

籀史

句中正字坦然益州華陽人孟昶時舉進士及第精于字學古文篆隸無不工太平興國二年獻八體書授著作佐郎直昭文館咸平三年五月同州民湯善德于河濱獲方獻一上有十二字九月好時令黃傳

鄆僕方獻一銘二十一字詣闕以獻詔示中正及祕

閣杜鎬中正識其刻書以隸古文訓之少者八字多

者七十餘字

宋史參
稽史

文彥博字寬夫介休人封潞國公藏有王子吳飢鼎

乙鼎片旅兩單伯彝伯王盃季姬彝

宋史參
攷古圖

蔡襄字君謨仙遊人慮古書之磨滅嘗以碑刻畫完

好者纂而為十四卷

衍
極

寇準字平仲華州人封萊國公藏有甞鐘

攷古
圖

夏竦字子喬江州德安人謚文莊著古文四聲韻祥

符中郡國多獻古鼎鐘盤敦之器而其上多科斗文

字竦乃學爲古文奇字至偃臥以指畫寢衣其勤如

此

王陸華
陽集

胡恢金陵人華州推官工篆籀坐法失官韓魏公琦
當國恢獻詩自達公憐之令篆石經因得復官

楊景略字康功揚州人集周秦以來金石刻文至七
十卷用以考驗前史疏据與夫考佚之事其辨博通

洽抑有資焉

蘇魏公集
卷五十七

張舜民字芸叟邠州人徽宗朝以龍圖閣學士知同
州坐元祐黨籍貶生平嗜畫題評精確雖南遷羈旅
中每所經從必搜訪題識藏隲繇五銓田畝主人舉

薛癸舉爵

攷古圖參
書史會要

張燾字景元河南人武宗時判太常知通進銀臺司

藏有漢石經殘石孔父鬲散敦師癸父旅簋單父彝

卣單父從彝姬奭豆

攷古圖參東
觀餘論宋史

邢恕字和叔鄭州陽武人徽宗時仕至顯謨待制著

爾雅疏藏有伯作卣

攷古圖
參宋史

蘇頌字子容南安人徙居丹陽慶厯二年進士官至

中書門下侍郎贈魏國公藏小子師簋鄒子鐘

同上

王洙字原叔睢陽人終南京留臺嘗被旨纂五經刻

石于國學皇祐初仁宗召宰執觀書太清樓因閱部

國所上三代舊器命模窠以賜近臣有翰林待詔李唐卿者以隸字釋之十得二三原叔又釋始通八九

史籀

晏溥字慧開丞相元獻公之孫叔厚之子豪傑不羈之士也好古文邃于楷學作晏氏鼎彝譜一卷載所親見三代鼎彝及器窠靖康初官河北金賊犯順散家財募兵扞賊與妻玉牒趙氏戎服率義士力戰而死

史籀

胡俛字公謹熙甯戊申以司封員外郎知和州取仁宗所賜器窠五銘鑱石傳世但以辟宮敦爲鼎以太

簠爲斗以仲信父旅甗爲煮甗爲未盡善

同上

王壽卿字魯翁陳留人祖擇之之外甥召至京師使篆字說辭以與王氏之學異復以命李孝揚而壽卿終身布衣趙明誠撰古器物銘碑十五卷壽卿爲之篆壽卿得二李筆意字畫端勁未易及

書史會要
參稽史

王欽臣字仲至應天宋城人洙之子官至集賢殿修撰性嗜古藏書四萬三千卷手自讐正世稱善本藏號美敦寅簠師餘尊後中尊舉爵伯索孟

攷古圖參
宋史却掃

編

蔡肇字天啓丹陽人元豐二年進士官中書舍人顯

謨閣學士知明州藏祖丁占宋史參攷古圖翟耆年籀史目
有蔡氏鐘鼎款識三卷疑卽肇所著也

李中祐皇祐五年重刊吉日癸巳四字于趙州解而
題其後

胡宗師元祐六年爲江東轉運副使遊府南天禧寺
見天璽紀功碑半埋土中輦置漕臺後圃籌思亭而
題其旁石刻

邱棠眉山入崇寧壬午宰眉山時樊敏敏碑將仆扶而
植之又爲屋以庇之而題其陰

王楚政和中主管衡州露仙觀著鐘鼎篆韻一卷馮

振增廣鐘鼎篆韵序集三代秦漢彝器繪其形範辨其款識撰

博古圖二十卷增多呂氏十倍

郡齋讀書志

張厚字處道新鄭人平生無他嗜好藏書將萬卷金石刻亦富皆得自幼時無剝蠹可喜朋友得見之至于三代尊彝鼎鼐之屬則深藏不出戶牖曰吾爲一己之奉耳安能伺人之顏色而博其歡笑哉

景迂生集張處

道墓誌

劉瑗字伯玉開封人宋內臣官至通侍大夫武勝軍承宣使父有方性喜收藏故能攷核真僞論辨古今放筆作雲林泉石頗復瀟灑贈少師諡忠簡藏師矣

父旅簋樂司徒从畝中爵單爵攷古圖參宣和畫譜圖繪寶鑑

伏乞氏扶風人藏東宮方鼎雁侯敦史剝圖攷古圖

韓存中字持正穎川人爲蔡京所不喜宣和間知鄭

州蝗不入境建炎初卒藏商見癸籙攷古圖參曲洧舊聞

范育字巽之邠州三水人少从張橫渠學舉進士爲

涇陽令元祐初官光祿卿藏有牧敦攷古圖參宋史

榮啓道東平人藏從單彝木父己畝攷古圖

王溥字齊物并州祁人仕漢至宋厯官參知政事宋

史有傳溥薦何拱爲鳳翔帥拱思所以報之問溥所

欲溥曰長安故都多前賢碑版願悉得見之拱至分

遣使督匠募打凡得石本三千餘以獻溥命善書者分錄爲宛炎集凡百卷當拱訪求石碑成蹟害稼村民深以爲害多鑊鑿其文字或鑄斷擊折爲柱礎帛

碑楊文公談苑

榮咨道字詢之元祐初官太常寺協律郎奏天子之

樂合用玉磬先帝詔臣製造請今後廟堂之上依舊

用編鐘玉磬登歌今年親祠明堂便可施用所貴章

明盛典從之長編三百八十六博學多聞試于奉常通判鎮

戎軍樂城累官朝請大夫以薦趙蔭降左朝散郎大

詔所收古器最盛凡百餘種有婦彝單彝彝幾觚父

乙丁爵子父榮長宜子孫洗哀父乙鼎左樂鍾且戊
觥蘭席銓父丁尚各敦嘗以二十萬錢買虞永興夫
子廟堂碑是未剗去大周字時墨本額書大周孔子
廟堂之碑八字碑末長安三年太歲癸卯金四月壬
辰水朔八日己亥木書額又云朝議郎行豹衛長史
直鳳閣鍾紹京奉相王教榻勒碑額雍州萬年縣光
宅鐫續攷古圖翟耆年鑑史曰有榮氏攷古編十五
卷宋史藝文志晁陳書目皆未箸錄疑卽咨道啟道
所著

榮輯字子雍元祐中累官左宣德郎強學力文履行

純茂第進士充西京穎昌學官

范太史集廿四

終于禮部吏

部郎酷好圖畫務廣藏畜每三伏中曝之各以其類

循次開展滿其家日日更換旬日始了好事家鮮其

比也

鄧椿畫繼

藏有周彝

續攷古圖參遊宦紀聞道鄉集

許某河南人得伯盞饋盦伯盞頗盤于太行石室中

續攷古圖

張詢字仲謀咸陽人官至知施州與黃山谷爲兄弟

交唱和甚多居官清慎著有詩集嘗于長陵蕭城中

得漢銅鈐文曰武安侯家銅鈐一容一石二升重四

十二斤第一

續攷古圖參山谷外集

韓縝字玉汝開封雍邱人哲宗時官尚書右僕射兼中書侍郎藏天鳳料狀如勺其柄有銘云大官乘輿十凍銅料重三斤九兩新始建國天鳳上戊六年十二月工遵造史臣閔掾臣岑旁丞相宏令丞相第二十六料食器

避暑錄話
參宋史

劉繹如東平人字成叔裒次前代金石刻爲書不以世代歲月獨以得之先後爲次第取其先大父所藏器卷首凡得四百裘目曰金石苑年二十餘方以進士得官時時過劉跂舍所誦說已多鐘鼎間語

學易人

王怡字彥適滎陽人爲縣令而夫妻手裝碑本無虛

曰職事曠被拘不得去而不悔

學易人

董之明字子年少亦收藏古今刻辭疊疊成誦數遺

劉跂東漢以前墨本

學易人

楊滙字源澈成都人號靖恭先生天資介潔于朝廷故實士大夫譜牒皆能通貫杜門委巷著書賦詩又邵伯溫嘗薦之曰學行甚高志節甚苦于本朝典故故家氏族奇字異書無所不知藏書萬籤古今石刻本過六一堂集古錄所有者

聞見後錄

趙令時字德隣燕懿王後號聊復翁著候鯖錄載家有古鏡銘曰漢有善銅出丹陽清如明左龍右虎神

仙藥名隱訣云銅亦名丹陽又一銘云尚方作鏡真
大巧上有仙人不知老渴飲玉泉飢食棗浮雲天下
散四海壽如金石佳且好東坡云清如明如而也若
左傳星隕如雨潁州頓氏一鏡銘云鳳凰雙鏡南金
裝陰陽合爲配日月常相會白玉芙蓉匣翠羽瓊瑤
帶同心相親照心照膽壽千春西京雜記云漢有方
鏡廣四尺九寸高五尺表裏有明人直來照之影則
倒見以手覆心而來則見腸胃五藏厯厯無礙人有
疾病在則掩心照之知人病之所在又女子有邪心
則膽張心動始皇以照宮人膽張心動者卽殺之一

鏡云蔡氏作鏡佳且好明而日月世少有刻治六官
悉皆在長保二親利孫子傳之後世樂無極後又得
一面皆大鼻一鼻上有八篆文中有魯國二字可識
奇古如鐘鼎樣亦深入字背上者突出又見一鏡背
花妙麗又有貞字飛霜四篆字

宋史燕懿王傳
參候鯖錄

劉昌詩字興伯江西靖江人箸蘆浦筆記載周益公
出示漢磚五皆得于劍州梓潼縣謝君磚其文云元
和三年五月甲戌朔謝君久造此墓按元和之號惟
漢章帝唐憲宗有之憲宗之三年其五月則壬午朔
也而此甲戌其爲漢隸不疑扈君申磚其文云持節

使者北宮衛令扈君千秋之宅建武二十八年五月
丙午工李邑作乙磚其文云北宮衛令扈君萬秋宅
皆篆文漢北宮衛士令秩六百石以長厯攷之是歲
壬子下到今清熙壬寅一千一百二十載矣范君甲
磚其文云嗟痛明時仲治元年結僊孳孳履踐聖門
智辨賜張字缺一噍孔言寬博字缺一約性能淵泉帶徒
千人行無遺愆乙磚其文云德積未報曷尤乾《茂
而不實顏氏暴顛非獨范子古今皆然相貌觀形列
畫諸先設生有知豈復恨焉漢范皮闕旁耕者嘗獲
巨磚二皆爲當路取去惟拓本傳于好事之家乙磚

僅存此范君墓中之銘晁錯傳公卿言鄧先師古曰
鄧先猶言鄧先生也列畫諸先豈非墓中列畫古賢
如梁武石室之類邪先儒謂謝朓始爲誌銘此可証
其誤梓潼城磚其文云梓潼城篆文皆同一磚之重
至十斤歲月雖無所稽然字畫勁奇非近古所能作

者

蘆浦
筆記

左膚廬州人元符二年官殿中侍御史言竊聞宗室
果州國練使仲忽得古方鼎一飾以龍文旁有隸識
曰魯公作文王尊彝色正綠伏望宣取詔儒臣博加

考議詔令禮部取納三省看驗

長編五百十六
參宋史錢通傳

吳珪字樛叟宣和中爲光州固始令令民有罪皆入古器自贖旣而罷官得五六十器遇葉石林于汴上出以示有三代物數十器

避暑錄語自號錄語

王錫老東平人紹興九年金歸河南地商賈往來攜長安秦漢間碑刻求售于士大夫多得善價錫老貧甚節口腹之奉而事此

清波雜志

史某不詳望貫淳熙癸卯知綿州聰明而勇于舉事無細大一身辦之吏胥旣拱默無所伸而斯民疾苦皆得以自達以其暇日博採近郊石刻置之集古堂秦漢隋唐以至于宋其碑凡十壁立森拱凜然清

風金石苑集
古堂記

裴煜字如晦江西臨川人慶厯年進士累知吳江縣嘉祐中爲禮官詳定祠祭禮終于翰林學士煜文學博正與梅聖俞劉敞歐陽修王安石爲友倡酬甚密亦好金石嘗與歐公書曰煜頃嘗謂周秦東漢往往有銘傳於世間獨西漢無有王原叔言華州片瓦有元光字急使人購得之乃好事者所爲非漢字也侍坐語及公亦謂家集所闕西漢字耳煜守丹陽日蘇氏者出古物有銅鴈足鐙制作精巧因辨其刻則黃龍元年所造其言榮宮二史間未始概見遂摹之

欲寄左右以爲集古錄之一事會悲苦不果昨偶開
篋見之謹以上獻亦聞原父於秦中得西漢數器不

知文字與此類不煜再拜

荆公詩注參
西江人物志

胡戡字叔文其城人祕閣校理俛之子自號蘇門居
士好古博雅閉門却掃涵肆詩書百氏爲文章盡傳
俛之學篆刻甚工藏書萬卷集古今石刻千卷仿歐
陽集古之例榜其堂曰宛炎蘇東坡爲書之一時名
士若晁補之黃庭堅張耒皆爲賦詩哲宗卽位詔求
直言一上書不召元祐元年卒著有文集十卷二府
拜罷錄二卷大臣家譜二卷續衣冠盛事圖一卷

雞

助集

何頡之初名頡後以字行字斯舉黃州人黃魯直極推重之聞姜遵毀漢唐碑爲浮圖賦詩曰長安古碑用樂石臺尾銀鉤擅精密缺訛橫道已足哀況復裁鐫代專璧有如天吳及紫鳳顛倒在衣吁可惜

道山清話

張商英字天覺蜀州新津人周重寶爲察官請毀民間銅器天覺極論其不可恐官司臨迫因而壞及前

代古器乃止

同上

蔡挺字子政宋城人初爲富弼范仲淹客熙寧中官

至樞密副使藏秦朝那告大沈久湫石

西溪叢話

劉忱字明復洛陽人官直龍圖閣山水師李成筆特

細秀家藏要冊告亞駝石

西溪叢話
參畫繼

永興軍某縣尉姓名里貫皆無攷天聖中姜遵知永興軍詔營浮屠遵毀漢唐碑之堅好者以代專壁時有一縣尉投書啓具言不可力懇不已至于叩頭流

血

道山清話

楊與權藏漢館陶釜文曰河東所造三斗銅鹿釜重

十斤長信館陶家第二

續攷古圖

張愔字才元藏有父癸彝父乙虎彝綏和元年湯官

黃金塗壺舟虎敦父丁鼎

同上

王玠字晉玉河南人政和中黃伯思官于洛陽晉玉
所藏淳化閣帖有米元章題跋惜其辨證疏略因著
法帖刊誤晉玉爲之跋藏有丁舉直父乙壘持戈鬲
中鬲母乙直蓋卅虔敦

道山清話參東觀
餘論續攷古圖

王康功字師文于太原孟縣得子父丁匱獸面細文
甗于鄴郡直甲門得乙斗鼎藏有曰鼎父乙壘續攷
古圖
祖博字孟廣藏有父乙尊競方父彝同

李宰字元均藏有篆口鼎同

呂崕字子功藏有木鼎同

趙茂曾字承規于永豐之醴泉得大夫始鼎文六十

五字藏有勳鼎文四十七字父丁壺文四字康鬲文

十二字同上

吳衍字松島藏有王伯璽同上

李誠字明仲鄭州管城人大觀中中散大夫知虢州

工篆籀善畫著有古篆說文十卷營造法式二十四

卷藏書數萬卷手鈔者數千卷藏有銅器刻文二十

字續考古圖參北山小集

真元弼元豐中句容令縣有晉紀穆侯碑石斷爲二

仆于道旁字皆漫滅惟欸尙存文曰晉故僕射散騎

常侍驃騎大將軍開府儀同三司紀穆侯之銘元弼

移置縣宇東軒

至正金陵志

宋敏求字次道趙州人官至龍圖閣學士生平無他嗜好惟沈酣簡牘以爲娛樂藏書數萬卷讐校精審著書數十種有寶刻叢章三十卷

宋史參硯北雜志

李復字履中號潏水長安人元豐二年進士官至中大夫集賢殿修撰藏有古銅敦乃周成王時物甘人侵扈命正人出師復扈邦賜有功師氏而作

困學紀聞潏水

集

丁宏字伯容藏有王子吉金敦舟虔鼎

續攷古圖

楚朝宗藏有王莽建國元年注水匱

同上

姚雄字毅夫五原人官至檢校司空奉寧軍節度使

諡武憲藏有委厝趙鼎

續攷古圖
參宋史

趙仲忽字周臣藏有父癸鼎中姜敦父丁爵母辛甫
非鬲伯禾父敦父辛父己二尊伯禾敦文一百十三

字

續攷古圖
參宋書錄

趙九成著攷古圖釋

史簡

黃氏撰古器窾字一卷

簡史下
卷目錄

趙氏撰獲古庵記一卷

同上

安氏洛陽人撰牧敦圖一卷

同上

孫默京兆人藏有邠敦

續攷
古圖

牟益字德彰書入能品晚年尤善篆書深究古文嘗
取石鼓詛楚鐘鼎等文爲辨證一篇以糾前人釋文
之誤

宋書錄
卷下

鍾璇字振遠一字叔齊常熟人六歲而孤育於繼祖
林適家多書因得縱觀與其孫璟瓌琢同肄業課率
先成璟兄弟登第璇遂棄舉子業取所藏書閱之築
室梅里閉戶二十年范成大等薦於朝不報年五十
二卒嘗有秦漢以來鐘鼎文字藏於家

盧熊蘇
州府志

張敦頤字養正徽州婺源人紹興八年進士授南劍
州教授紹興三十年左奉議郎充江東安撫使幹辦

公事撰六朝事蹟編類分十四門而碑刻一門尤有

資於攷証累官宣州通判知舒衡二州致仕

徽州府志

方楷字敬則號一齋莆田人與劉後村友善酷嗜古

文奇字聞有一善碑一真蹟必高價訪求不得不止

而北碑尤多自嶧山詛楚至隋唐殘碣斷刻積至六

百餘卷

後村元全集一百五卷

李丕緒泰州成紀人以蔭補將作監主簿簽書永興

軍節度判官歷通判同知解州興元府華州累遷司

農卿致仕居官廉靜不爲激矯家多圖書集歷代石

刻爲數百卷藏之

宋史二百九十九

王卿月字清叔號醒菴又作醒齋先世居開封父思
正始居台州乾道五年進士累官中書舍人兼直學
士院嘗草胡澹菴制云吾寧身蹈東海惟仲連不肯
帝秦至今名重泰山微相如何以存趙人多稱之歷
知襄陽蘄州廬州官至大府卿紹熙三年卒年五十
五性警敏記誦絕人至於收辨鼎彝古器游戲翰墨

丹青一一造妙

攻婉集王公墓誌

金石學錄補卷二

存齋雜纂之五

歸安陸心源剛甫編

宋

虞仲房善篆隸法尤工家徒四壁藏漢隸刻數千
本心摹手追盡其旨趣同上

彭大雅字子文鄱陽人嘉熙進士淳祐三年知重慶
府以漢碑四十本作橫卷刊于博古堂衍極參
豫章書

章綽字子上蘇州人政和四年致仕歸卽舍旁築一

堂額曰美蔭聚書萬卷金石刻千卷

續吳都
文粹

翟敦仁字靜叔韋城人好古博物逢寶鼎奇器不計

家有無倒橐易衣志于必得平居治一室案不留塵
列所蓄藏尊閣而嚴奉之自夏商周秦以來鐘鼎
彝鬯爵盤洗琤琬鉤璣仲丁之壺甲父之鼎蟲篆鳥
書隱文逸字粲然畢具客至則導之使觀裴回周覽
躬指而告之曰此某時之物距今若干年此得於某
所冢中此吾脫盛寒之裘而獲者也因道古今制度
沿革歎識真僞皆歷有次第旣病不能興猶取置臥
內寤寐對之

竹隱畸士集
翟靜叔墓誌

李昭玘字成季鉅野人崇寧初入元祐黨籍嘗以所
藏古器款識晉唐石刻唐人遺書名公墨迹緝爲十

帙名曰燕遊十友而爲之序其跋三代款識曰篆隸
出而正書作正書作而行草興非獨古異以爲奇亦
所變之勢然也字畫之工初盛于魏晉魏晉之間江
左惟逸少尤著世數遼絕散落腐壞之餘出于物數
之幸存口力之必能保者時一見于好事之家良可
貴也昔韓退之作石鼓詩以爲俗書失之姿媚亦至
論也紆徐鮮妍粲然動人無復高古之遺態此恣媚
之過也余故以三代款識爲諸帖之冠

樂靜先生集

翟汝文字公巽潤州丹陽人官參知政事藏金石刻
千卷嘗上疏曰古者班諸侯宗彝使鎮撫其社稷以

世守之爲寶重矣。聶崇儀集腐儒之說著三禮圖以誤後學。今商周禮器科斗文字燦然畢出。願詔博聞之士稽正六經考禮于夏商之器。正字于鼎彝之間。使六經尊罍犧象之用六書象形科斗之書昭昭炳煥。與六經相表裏以教後人。幸甚。忠惠集

薛季宣字士龍。永嘉人。于書無所不讀。耽玩鐘鼎古

文。

攻媿集

著浪語集。有岐陽石鼓記。斷爲周宣時刻。史

籀所書。考核精詳。藏商豆一文曰帝欽。崇元祀作豆旅其典。神天于永。漢尙方劍一文曰陽朔元年二月甲辰。尙方織工臣某作所著欽崇豆記。尙方劍記。頗

足以資考證

山溪語集

莫濟字子齊歸安人紹興十五年進士好奇嗜古乾道初教授會稽謂始皇刻石唐人張守節司馬貞皆嘗援以證史紹興初其舅姚令威寬登山弔古見碑石猶存搜訪尤力有言碑在何山者濟謂何山見于圖經在秦望東南疑其真秦望也時王十朋簽判紹興括蒼人梁安世次張爲會稽縣尉濟以語十朋十朋告安世安世欣然而行登山見碑石尙存字磨滅已盡墨片紙而還作古風長韵具記始末濟與十朋皆和焉濟詩序云按會稽誦德碑凡二百九十六字

視秦世泰山之朶諸刻獨此碑字爲最多唐李嗣真云斯小篆之精古今妙絕秦望諸山及皇帝玉璽猶千鈞强弩萬石洪鐘周越法書苑獨載封禪碑數十字而已至歐陽公趙德甫集錄天下金石遺文殆盡亦不復有秦望山碑姚令威紀鵝鼻山頂石屋所插一碑今石屋故在碑亦無有次張所搨片紙指爲秦碑乃在何山其去鵝鼻尤爲隔絕盡記本末以俟後之君子

宋詩紀事

林師點字詠道號竹邨居士天台人博雅好古遇古帖祕文斷刻墜簡不啻虞簫振耳商彝奪目遠購近

求積餘千卷每一卷入手校讐考訂忘日夜名流如

王厚之桑世昌皆與之交

赤城集竹邨居士墓誌

洪皓鄱陽人性好古尤能辨別三代鐘鼎彝器見則

必得之而後已

盤洲集

陸游字務觀晚號放翁紹興山陰人嘗于建安公署
集中原及吳蜀漢碑爲十四卷命莆陽方士繇親視
裝裱無一字差謬又嘗至焦山親搨瘞鶴銘

汪達字季路登進士仕至吏部尙書端明殿學士建

集古堂藏奇書祕蹟金石遺文二千卷著淳化閣帖

辨記十卷

宋史汪應辰傳參紫桃軒雜錄

周必大字子充江西廬陵人官至少保左丞相著省
齋文集平園續稿有樊常侍碑跋堯祠碑跋隋西陵
道場碑跋賽山陽文跋李西平神道碑跋顏書杜濟
碑跋獨孤延壽碑跋保母磚志跋均考證甚詳周益公集
凌萬頃淳祐中撰玉峯志中載碑記三卷搜羅甚備
其凡例云凡碑記見存者書其名不載其文不存者
載其文玉峯志

晏袤紹熙中爲南鄭令尋獲永平六年郃君開通褒
斜石刻旣爲之釋文勒于後又題記焉考證詳明不
婉好古之士

董棻字令升道之子也學有原本著廣川家學三十

卷紹興中知嚴州撰嚴州圖經每縣之末特列碑碣

一門間附考證

嚴州圖經參書錄解題

丁端叔南蘭陵人藏商周以來鼎彝尊高等八十有

六樓攻媿爲之跋

攻媿集

周應合武甯人自號溪園淳祐間進士官至寶錄院

修撰以劾賈似道謫饒州通判景定中撰建康志五

十卷別立石刻一門記述頗詳

景定建康志

談鑰字元時吳興人仕至樞密院編修嘉泰中撰吳

興志二十卷有碑碣一卷于漢唐以來碑刻搜羅甚

備各註撰書人姓名並立碑年月間附考證亦頗詳

核

吳興志

宇文紹奕字卷臣

一作袁臣

四川廣都人先以承議郎通

判劍州請蠲除本州和糴以寬民力既而民間乏食親至外縣遍行山谷隨時措置皆有條理汪應辰薦蜀中人才稱紹奕博雅好古紹熙二年春邛州蒲江縣上乘院僧治基增築大殿闢地數仞得古竈焉其封石刻作兩闕狀中有文二十九字云永熹元年二月十二日蜀郡臨邛漢安鄉安定公乘校官掾王幽字珍儒奕紹聞之亟命輩致郡齋龕之壁以史堅平

生留意篆刻俾原而釋之守臨邛履漢有能名卒以

謗黜卒於家著有原隸若干卷臨邛志二十卷補遺

十卷

汪文定集學齋估畢參劍南詩稿桐江續集費著氏族譜

鄭宗聖束髮好古資盡于器技經史探傳記旁羅曲

采于圖書欵識又質之于博雅前輩悠然得之于心

作博古考義數十卷一名一物皆有本據沉潛反覆

老而益勇

北礪文集卷七

李孝美紹聖間人著歷代泉譜十卷

宋史藝文志

張台著錢錄一卷

同上

楊鎮字子仁號中齋嚴州人尙理宗女漢國公主官

至駙馬都尉諡端孝喜觀圖史字學張卽之藏有周

方鼎周細文大羊鼎周瓠棧壺商小鼎

困學齋雜錄
參書史會要

劉克莊字潛夫興化人家後村因以自號官至尙書

諡文定其友人陳景升遺以歐書邕禪師塔銘闕後

三行十年始爲補足喜而作詩曰端平曾歎闕三行

瀋祐重來爲補亡收拾一碑勞十載此生凡事不須

忙行極

鄭僑字惠叔號回谿興化人乾道五年狀元瀋熙問

使金不屈官參知政事諡忠惠著書衡三篇其畧曰

夫三代銘刻鼎彝古文舊篆或移之上下左右隨體

轉變雖畧有工拙而要以心會其妙非若後世之拘

限也

同上

鄭寅字子敬號肯亭僑之子也官至直寶章閣知漳州著包蒙七卷謂博古圖所載商卦象占爲商之古文其說甚辨

同上

羅棠字召仲號竹甯海鹽人撰漱水志八卷分十五

門碑記爲一門

漱水志

潛說友字君高縉雲人淳熙甲辰進士咸淳中權戶

部尙書知臨安軍撰臨安志末卷爲歷代碑刻目

程勤眉山人紹興己卯宰眉山得樊敏碑于榛莽中

作大屋覆其上額曰復見而記其後

樓錫字子善嘗見徐公競作篆心顧好之下筆輒工
晚更考證說文仍集張氏復古編與鐘鼎遺文從韵
臚分欲爲一書

攻媿集
入十五

董材江西德興人官縉雲縣令家故多書材復篤好
古法書聚漢魏以降金石刻埒歐陽氏集古錄築室

儲之勝曰博古

程洵尊德性齋
集董府君墓誌

褚師秀字雪蠟錢唐人宋季天慶觀道士性孤僻以
清行苦節聞至元十四年游顯爲浙西宣慰使單騎
從一童至觀請見褚高士觀主王管轄以告師秀拒

之曰我生平不識時貴人欲避而羅已入遂鍵戶與
行廊廡間至雲堂前語顯曰前年有閬州王高士留
此其非其人也長揖竟出其高介如此著有南華真
經義海纂微藏有漢銅虎符編鐘鼎彝諸器所藏古
錢作粉牌綴錢于上下書其文

雲煙過眼錄參牧庵集游顯墓碑遂昌雜

錄浙江通志

時佐淳熙乙巳官寺丞善小篆書室四壁盡是古器
皆有款識其中一盂鑄寫特精而格制差淺四旁皆
隱水波中有兩魚其間不爲水紋處有篆文六字曰

富貴昌宜侯王

程大昌演繁露

金石學錄補

卷之二

八

岳珂字肅之號倦翁湯陰人居于嘉興鄂武穆王飛之孫官至戶部侍郎著程史載宋慶元元年五月大雨溢城山中古冢崩有壁流出字曰晉永寧元年五月造

程史

徐度字敦立穀熟人南渡後官至吏部侍郎著却掃

編載泰山碑甚詳

却掃編

王銍字性之號雪溪汝陰人著李伯時古器圖跋

王明

清揮塵錄

張俛寶慶丙戌官句容令紀穆侯碑在榛莽中買石

作跋置易并堂右

至正金陵志

韓流字仲止號澗泉許昌人寓居湖州著有澗泉日記載隆興法曹任伯厚得二專其一曰晉故尚書譙國桓府君中子泉陵令譚勃字季長墓其一云伯護軍考尚書二府君墓在徐聘君南去此墓七里又載法華人發古冢得晉升平四年周闢字道舒墓塼澗泉

日記

尤表字延之無錫人紹興十八年進士官至吏部尚書諡文簡酷好古刻與王左丞順伯以收儲之富相角皆能辨別真贋嘗謂西漢石刻文自昔好古之士固嘗博采竟不之見如陽朔甄字要亦非真聞自新

莽惡稱漢德凡有石刻皆令仆而礪之仍嚴其禁畧不容留至于秦碑乃更營覆遂得不毀故至今猶有存者

硯北
雜志

俞仲遠紹興十一年官溧水尉得漢潘乾校官碑于固城湖濱置之官舍

至正
志

周晉字明叔湖州人密之父也善書體兼虞柳紹定四年宰富陽畧無科擾民稱之爲周佛子酷嗜書籍金石至鬻田以供筆札藏書四萬二千餘卷三代以來金石刻一千五百餘種儲之書種志雅二堂冥搜

極討日事校讐

宋書錄參湖
錄齊東野語

金

孔元措字夢得孔子五十一世孫撰孔氏祖庭廣記
十二卷載碑刻三卷自兩漢至金碑刻皆錄全文記
載甚詳

祖庭廣記

蔡珪字正甫金進士父松年祖靖卽以燕山守降金
者初兩燕王墓在中都東城外海陵廣京城圍基在
內嘗有盜發其墓俗傳六國時燕王及太子丹之墓
及啓壙其東墓之柩題曰燕靈王舊乃高祖子劉建
葬也其西墓乃燕康王劉嘉之葬也珪作兩墓辨據
葬誌銘物欸識甚詳著有續集古錄金石遺文六十

卷題跋十卷古器物譜三十卷

金史文藝傳
參中州集

馬定國字子卿荏平人仕至翰林學士作石鼓辨萬餘言引據傳記斷爲字文周物

黨懷英字世傑金大定十年進土工篆籀當時推爲

第一著有鐘鼎集韵

增廣鐘鼎篆
均序參金史

高德裔字曼卿鶴野人工于爲文字尤有法累官開州刺史西京路轉運使金章宗明昌中修闕里孔子廟德裔提控修廟事獲五鳳二年石刻題記于後

集

王庭筠字子端河東人米元章之甥大定十六年進

士白號黃花老人官至翰林院修撰嘗集所見內府及士大夫家墨迹爲古法帖所無者摹刻之爲雪溪堂帖十卷

元遺山集王黃華墓誌參解縉書學傳授

許古道真河間人性嗜學藏書數千卷金石遺文人所不能有者往往有之

元遺山集許古道真墓誌

元

柯九思字敬仲善鑒別金石鼎彝之器吳人陸友號稱博物亦歎爲不及

熊朋來字與可豫章人所至考古篆籀文字楊鉤作增廣鐘鼎篆韻朋來爲之序

楊桓字武子兗州人至元三十一年拜監察御史有得玉璽者桓辨其文曰受天之命既壽永昌卽爲文述璽本末著六書統

吳淑字孟思杭州人少好學工翰墨尤精篆籀凡歷代古文歟識制度無不考究得其要妙

劉誠意集

戴侗號合溪永嘉南溪人汪季路之甥也列官于朝出典台州父蒙兄仔白相師友著六書故凡分九部其文皆用大篆註用隸書雖不免穿鑿而用功頗深

衍極參六書攷

楊鉤字信文臨江人著增廣鐘鼎篆韻七卷政和中

王楚作鐘鼎篆韵一卷薛尚功廣之爲七卷鉤又博

采金石奇古之迹益以黨世傑集韵補所未備

馮子振序

張古城藏古器物甚多子君寶尤篤好藏商尚有銘

二字梁寅爲之記

石門集

梁寅字石門著石門集有商占記一編攷古頗精

張鉉字用鼎陝西人學古書院山長撰至正金陵志

立碑碣一門白秦始皇東巡詔起至宋季碑碣搜采

無遺間附考證亦頗精核其于天璽碑移徙鑿損源

流記之尤詳

至正金陵志

鮮于樞字伯機漁陽縣人少爲郡吏至元間以材選

爲浙東宣慰司經歷改江浙行省都事每晨出則載
筆牘與其長廷爭及日晏歸焚香弄翰取數十百年
古鼎彝器陳諸階除搜剔斷文廢款若明日急有所
須而爲之者官至太常寺典簿僑居西湖之斷橋大
德五年卒年五十七藏有商父乙鼎銘曰子父乙商
州師卣銘曰州師錫朋具用作父丁尊舉卣商父辛
彝銘曰父辛周鄧鼎蓋銘十八字漢尙方鏡一八花
透光鏡一李順甫藏周吉父槃銘一百三十字家人
折其足用爲餅爐伯機見而歸之戴剡源集參困學齋雜錄北觀志
陳翼字翼甫茶陵人大德中屬羅更翁刻考古圖探

諸家考證附于左方而自爲之序

戚光字童正金陵人官建康路學訓導至順中撰集
慶續志于天璽紀功碑陳景陽宮井石欄題字攷證
頗詳句容縣西五里石門村有吳故衡陽太守葛府
君碑仆田野中至元三年光與友人樊楷仲式觀之
可撫者十一字光賦詩曰甘棠陰裏片雲開馬首雲
山一笑回煩過縣西三四里倩人模取古碑來樊楷
項炯陸友仁皆有詩

至正金陵志
參硯北雜志

迺賢字易之蒙古人後居鄞縣官翰林院編修工詩
著河朔訪古記于金石遺文言之尤悉

提要

馮子振字海粟官至集賢待制于書無所不記其序
楊信文鐘鼎篆均曰政觀豐亨豫大時習尙三代緣
是博古所圖之尤物悉集于尙方所至埋椎發冢恬
不之怪靖康北徙器亦併遷金汴季年鐘鼎爲崇宮
殿之玩毀棄無餘獨岐陽石鼓不能爲厲今猶累京
師夫子廟廷豈歐陽集古千卷之首果希世之寶耶
米元章自言曾見劉原父所藏周鼎篆一器百字刻
迹燦然所謂金石刻文與孔氏上古書相表裏趙仲
忽李公麟收購如楚鐘刻字遠高秦篆咸可冠方今
法書之首云云其于金石源流言之甚詳

鐘鼎篆
韻序

駱天驥字飛卿長安人自號藏齋遺老元貞中官京

兆路儒學教授撰類編長安志十卷卷十爲金石有

石經重立始末記載甚詳

類編長安志序

張樞字子長幼聰慧受教于父屏岩先生而外家涵

氏藏書數萬卷金石遺文千餘卷子長取而盡讀之

過目不忘且能通其大意

黃文獻集張子長墓誌

杜敬字行簡藏歷代金石刻及古名人墨迹甚富然

爲好事者持去亦無所吝

費著撰蜀古器譜廣政十四年彭山縣副將頭楊富

得銅印于江岸六面有文宋崇寧九年知府王古修

築嚴真觀得鼎彝九建炎初盧法原修築羅城得漢
破羌印一著皆圖而為之說全蜀藝文志

張雨字伯雨號句曲外史藏有梁貞明二年謝崇勛
製塗金舍利匣嘗以周鐘寄趙子昂銑間有文象見
之形擊之與夷則合是日適立秋子昂記之以詩松雪齋集參視

北雜志

羅和齋藏周鳳尊銘曰眾周百乳彝商貫耳彝銘作

鳥形首有冠困學齋雜錄

董德時字震齋藏有召公尊且癸鼎尊腹有五指指

款十餘字雲烟過眼錄

趙伯昂字仁本灤陽人藏有漢羊燈伯彝燈款曰南

宮羊燈又有兩鼎字尤多

雲烟過眼續錄

董頑石藏商百乳彝商山尊商舉鼎銘曰丹商鼎銘

曰赫商觚周罍

困學齋雜錄

吳文貴字和之延陵人大德間人鮮于伯幾作霜鶴

堂成會者十二人和之與焉輯宣和書譜二十卷藏

商右伯盃商饕餮鼎銘象形一字

困學齋雜錄參衍極硯北雜志

劉耀字耀卿山水學馬夏藏商斚商子孫盃商蛟篆

壺銘一字商敦周司空甌漢方壺周大盃

困學齋雜錄圖繪寶鑑

鑑

李秉彝字仲常世家大都通州潞縣十歲能習古篆

隸至元初官工部尙書兩浙轉運使嘗銘其居曰閑

邪世稱閑邪公藏有方圓二敦

周馳閑邪公傳參因學齋雜錄

李和錢唐貧士也鬻故書爲業尤精于碑刻凡博古

之家所藏必使過目或有贗本求一印識惟邀之酒

食惠以錢則毅然卻之楊瑀藏萬年宮碑有李和鑒

定石刻印識

山居新語輟耕錄

廉希貢字端甫號薌林畏吾人封恆陽文正王希憲

之弟也至元間官浙江行省理問大德中官江東道

治書侍御史後以肅政廉訪使封薌國公致仕藏商

尊一其色如漆五色皆具文曰父已敦二孟一鐸二

漢鏡一文曰田氏作鏡世未有位三公兮凡十字困

齋雜錄參遂昌雜錄雲眼過眼錄

喬簣成字達之號仲山燕人博雅好古所交皆名人

才士山水學李成墨竹學文同元至正中由東曹掾

出使延安歷官祕書郎吏部郎中後由翰林學士出

為東平守藏有正考父鼎周鳳壺周栗紋壺雲烟過眼錄參

困學齋雜錄輟耕錄二十四雪樓集送喬達之守東平序圖繪寶鑑

趙孟頫字子俊吳興人孟頫弟也官劍南州同知雲烟

過眼錄參藏古銅爵文自火二字雲烟過眼錄愚案

松雪集自火恐且癸之譌

張謙字受益濟南人至元中官浙江行省郎中擢祕書監丞與方虛谷回論文和詩相切磋扁其燕居之室曰古齋虛谷爲作箴題其會清堂詩有彝鼎日玩弄簡冊日卷舒之句送遷祕監入都詩有科斗字前尋古器之句藏有周匜商甗月戈周方壺牛彝祖癸

鼎諸器

桐江續集參雲烟過眼錄

姚燧字端夫號牧庵營州柳城人後遷洛陽文有西漢風官至翰林學士承旨諡曰文著有牧庵集五十卷收古銅器尤多

元史參雲烟過眼錄

焦敏中字達卿厯官浙江宣慰使經歷藏有伯彝舉

鼎又一鼎底內款字尤多

雲煙過眼錄參
志雅堂雜抄

王芝字子慶號井西錢唐人多問而博覽藏有商鼎

漢方壺漢山龍壺

雲煙過眼錄載表
元送王子慶序

王子明義興人家藏三代彝鼎法書名畫冠浙右後
得汴人夾谷郎中所藏商彝舊藏皆不及至正中寇
起靳黃子明聲所藏埋之地窖中晝夜如牛鳴怪而
出彝寄田家後遭發掘惟彝獨存

輟耕錄
卷一

朱希真洛陽人工書善談名理藏有秦羽陽宮瓦文

曰羽陽千載

硯北
雜志

黃伯玉字石翁廬山道士好學多問士大夫多與之

游嘗有詩云石刻披秦篆銅章驗漢官其好古如此

同上

李處巽字元讓東平人能小篆至元二十年官江南
行臺治書侍御史命教授宋天與徙金陵官治故苑
諸石刻聚路學止善堂中陳景陽宮石欄題字泰山
秦篆譜皆與焉藏有世母卣卣敦牛敦周盤夔卣

至正金陵志附學齋
雜錄參書史會要

李好文東明人元至正中官陝西行臺治書侍御史
著長安圖志載咸陽所出漢瓦八曰長生無極曰長
生未央曰漢并天下曰儲胥未央曰萬壽無疆曰永

奉無疆曰上林曰楚其謂楚字瓦爲秦作六國宮室
于咸陽北版用其國號頗爲有理

長安圖志

唐允文武川人蓄古圖畫碑刻金玉彝鼎器物于一
室名曰玩古齋邵亨貞復儒爲賦玩古行

邵亨貞蟻術詩選

趙大訥字敬叔宋周王元儼之後徙居金華之浦江

仕元官至婺州路同知著有金石竹帛遺文

宋學士集